

新刊國朝二百家名賢文粹

新刊國朝一百家名賢文粹卷第二百五十六  
序

文集序六

諫垣存藁序

韓魏公

夫善諫者無諷也無顯也主於理勝而已矣故主於諷者必  
優柔微婉廣司譬喻異吾說之可行而不知事不明辨則忽  
而不聽也主於顯者必暴揚激訐恐以危亡謂吾言之能動  
而不知論或過當則怒而不信苟不以理勝之為主難矣哉  
琦景祐中任三司度支判官以族貧求外補得舒州將行而  
上以諫官使擢授右司諫而留之竊惟言責之重非面折廷  
爭之難蓋知躬得直為難夫得通明端樸高識博學之士則  
動容中理日益君聽而愚不肖者冒而處之固不勝其任矣  
遂兩上章辭不報乃喟然自謂曰上之知汝任汝之意厚矣  
汝之所宜當顧軄酌宜主於理勝而以至誠將之茲所以報

陛下而知任之意若知時之不可行而徒爲高論以冀直  
取名汝罪不容誅矣在職越三載凡明得失正紀綱辨忠良  
擊權倖時人所不敢言必味死論列之上寬而可其奏者十  
八九卒免重戮進登掖垣實前日爲誠之力也其所存藁欲  
歛而焚之以効古人慎密之義然念詩書所載從諫而聖君  
之德也衮闕而補臣之患也前代諫諍之臣嘉言讜議布在  
方冊使覽之者知人主從善之美致治之原若皆削而燔之  
則後世何法焉於是存而錄之離爲上中下三卷命曰諫垣  
存藁以藏於家竊慮夫上之聰仁大度自三代漢唐以來虛  
懷納諫甚盛德之主苟所不及復俾子孫傳而閱之知直道  
之無咎忠教之有迹云特慶曆二年三月十五日秦亭西齋  
序

韻總序

六一居士

倕工於爲弓而不能射羿善鏑蒙天下之善射者也奚仲工於

爲車而不能御王良造父天下之善御者也此荀卿子所謂藝之至者不兩能信哉儒者學乎聖人聖人之道直以簡然至其曲而暢之以通天下之理以究陰陽天地人鬼事物之變化君臣父子吉凶死生凡人之大倫則六經不能盡其說而七十子與孟軻荀楊之徒各極其辯而莫能殫焉夫以孔子之好學而其所道者自堯舜而後則詳之其前蓋略而弗道其亦有所不暇者歟儒之學者信哉遠且大而用功多則其有所不暇者宜也文字之爲學儒者之所用也其爲精也有聲形曲直毫釐之別音響清濁相生之類五方言語風俗之殊故儒者莫暇精之其有類者則往往不能乎其他是以其學者莫肯捨其所事而盡乎此所謂不兩能者也必待乎用心專者而或能之然後儒者有以取焉洛僧鑒聿爲韻鏡五篇推子母輕重之法以定四聲考求前儒之失辨正五方之訛顧其用力之精可謂入於忽微若櫛之於髮績之於絲雖細且多而條理不亂儒之學者莫能

難也。蓋筆通於易，能知大演之數，又學平陰陽地理，黃帝岐伯之書，其尤盡心者，韻總也。世本儒家子，少爲浮圖入武當山，往來江漢之旁十餘年，不妄與人交，有不可其意，雖三公大人亦莫肯顧。聞士有一藝，雖千里必求之，介然有古獨行之節，所謂用心專者也。且其學必至焉，爾浮圖之書行乎世者數百萬言，其文字雜以夷夏，讀吾罕得其真，往往就而止焉。鑒事之書，非特有取於吾儒，亦欲傳於其徒也。

### 三諫書序

雷夏先生

目聞前事者，後事之元龜也。是以讀二帝之典，則首曰稽古帝堯。又曰稽古帝舜，以唐虞之聖，尚考古道而行。况居三代之末，乘百王之弊者乎？臣遭遇文明，叨竊名器，更直多暇，閉門讀書，見前代堙亂之源，覽昔賢諫諍之語，念空文之未泯，傷直道之難行，故遂以終而詞氣不屈，布在方冊，千古如生。苟幸而行之，則其道未墜，因採掇古人章疏，可救今時弊病者，凡三篇，其一

以搢紳浮競風俗澆漓率多躁進之徒鮮聞篤行之士不移律  
轍漸紊彝倫且故猷剏是崇謏論其二以齊民類梓像教亦興  
蘭若過多緇徒孔熾蠹人害政莫盛於斯且故猷韓愈論佛骨  
表其三以選舉因循官常隳紊累置不巳俸祿難充耗蠹疲民  
罕聞良吏且故猷杜佑并省官吏疏斯皆事可遵行言非迂闊  
亦欲使昔賢遺恨蔑自斃目前代遺文以于聖主者也每篇之  
末且別有起請言曰指陳時病稽合前文庶引古以證今必朝  
行而暮復又自立問難列于終篇斷在不疑以絕浮議待罪之  
至引表具焉

洛陽耆英會序一

司馬溫公

昔曰樂夫在洛興高年者八人遊時人慕之為九老圖傳於世  
宋興洛中諸公繼而為之者凡再矣皆圖形晉明僧舍晉明樂  
天之故第也元豐中洛國文公留守西都韓國富公納政在里  
第自縣士大夫以老自逸於洛者於時為多路公謂韓公曰凡

所爲樂於樂天者以其志趣高逸也美於數與地之襲焉一旦  
悉集士大夫老而賢者於韓公之第置酒相樂賓主凡十有一  
人既而圖形妙覺僧令時人謂之洛陽耆英會孔子曰好賢如  
緇衣取其蔽又改爲樂善無厭也二公更亮三朝爲國元老入  
贊万機出綬四方上則固社稷尊宗廟下則熙百王和万民天  
子腹心股肱耳目天下所取安所取平其勲業闕大頭融豈樂  
天所能庶幾然猶慕如樂天所爲汲汲如恐弗及豈非樂善無  
厭者歟又洛中舊俗無私相聚尚齒不尚官自樂天之會亡然  
是日復行之斯乃風化之卒可頌也宣徽王公方留守北都聞  
之以書請於潞公曰某亦家洛位與年不居數客之後顧以官  
守不得執卮酒在坐席良以爲恨願寓名其間幸無我遺其爲  
諸公嘉美如此某未七十用狄監廬故事亦預於會潞公命某  
序其事不敢辭

測景之法見于周官與詩所以求地之中以建王國而阜安萬民者也然必驗之數術考之中星參之氣朔校之刻漏而後爲得故其地中之景冬至丈三尺夏至尺有五寸由此而進退之則二十四氣皆可推而見之矣若夫當至而不至則有日月之變水旱之沴人民疾疫之災古先哲王必謹視之以修人事而奉天之戒周公卜洛以爲天地之所合四時之所交風雨之所會陰陽之所和卅傳陽城是其地而今登封故臺在焉唐開元中擇河南平地始于滑州之白馬南至于汴之浚儀得岳臺又南至于扶溝又南至于上蔡之武津至岳臺爲適中也今天子都汴皇祐元年宋興九十年矣始詔有司即岳臺故處用崇天曆測候一年以考正焉於是司天巨元翼上言昔之測景必十餘年備天道今一年止恐未能得景之正乃聽側候三年起是歲十月戊寅小雪止四年十月戊寅立冬步天之行與曆并參相考驗則比夫前世之法爲最近密又采周以來見于經及漢唐



所載諸儒論議令今所得夏景尺寸凡三卷列于左方

御製龍圖天章閣觀三聖御書詩序

奉

王岐公

臣讀詩至小雅之正見周之盛時樂賢人之在位而君遠益自尊顯既飲食之又有笙簧鼓舞幣帛侑酬之礼恩勤返復以盡其懽心且君能下其臣則爲臣者未必有感發忠誠思以歸報乎上上下下相交四海蒙澤以致太平使國家万壽之福无有期極其詩傳于後代猶歌而取法顧匪盛德之事歟嘉祐七年冬十二月戊申帝乘暇日延羣臣觀三神聖翰于龍圖天章閣玩心文明藻思濬發遂賦觀書之詩又幸寶文閣親爲飛白書使左右縱觀若驚爲書羽鳳與天煙雲布護之象莫不曰薄于筆下盖天縱之能世莫德以曾闕也因以其書分賜從臣於是尚書給筆札皆等二十有八人咸展宸唱以進既置酒群玉殿上猶慊然有未盡意越壬子再召觀方國頌所上瑞物其木石皆有文質天所以啓宋求命之符又陳先朝述作之文載披載

繹以示祖宗積古之事而百王之絕疑也已而復燕羣玉殿乃  
大合樂其初有詩曰幸天下久無事今日之樂期與卿等共之  
唯盡醉勿復辭遂出禁中肴醴芳花異香瑰奇未見之物餽每  
行必命驪者牽車三四衣冠愉愉不知涵濡君德之醉也臣伏  
思陛下臨御四十有一年未始少近宮室苑囿歌鐘狗馬之娛  
一朝游思清閒君臣相與終日飲酒而不失其正雖有周盛時  
之詩臣曩竊恐未能遠過也昔帝王游觀之盛固有刻諸金石  
以傳于無窮矧茲希闊之遇哉臣與游禁林又塵太史氏之職  
恭承明詔敢拜手稽首以揚万世之鴻休臣謹序

奏說序

臨川先生

者奇偶剛柔雜比以相承如天地之文故謂之文字者始於  
一二而生於無窮如母之字子故謂之字其聲之抑揚開塞合  
散出入其形之衡從曲直邪正上下內外左右皆有義皆出於  
自然非人私智所能為也與伏羲八卦文王六十四異用而同

制相待而成易先王以為不可忽而思天下後世失其法故三  
歲一同同者所以一道德也秦燒詩書殺孝士而於是時始變  
古而為隸蓋天之喪斯文也不然則秦何力之能為而詩書說  
文於書之意時有所語因序錄其說為二十卷以與門人所推  
經義附之惜乎先王之文缺矣秦書所記不具又多舛而以子  
之淺陋考之宜有所不合雖然庸詎非天之將興斯文也而以  
子贊其始故其教幸必自此始能知此者則於道德之意已十  
九矣

御賜飛白書序

石室先生

仁宗皇帝飛白書乃聖人不可窮之大藝而無所擬之絕幸者  
也法傳之於天義授之於神淵情睿思下富其墨揮灑亦動兩  
脅戲畜齊隆陽之功合造化之巧宜乎聖人竟得窺其至精極  
妙之端涯者已若夫皇居與環寶璽則有容享肖時亦輒隨  
其能於此以率而獲之者自將別為經義三略他坑流界後

傳子無極而况密嚴嚴從躬被寵錫將且何如以奉其休榮者  
哉嘉祐七年冬十二月戊申帝乃降臣二十有八人觀書于龍  
圖天章閣又幸寶文閣是日上親御寶跼縱寫華褚初瑞遜為  
替易環視雲飛霧散之狀龍蟠鳳矯之勢震怒萬籟眩流動衆目  
既而遂命以書分賜左右太子賓客掌公禹錫時積此集乃蒙  
帝子之殊渥焉懷歸有光展對猶濕觀其點分頭角下歷泰實  
畫立圭植高庵周瑞仰惟祥符之書氏陽之詔始可相與配其  
瓊麗而並其崇嚴者欽熙寧五年十月其孫文紀為陵州貴平  
縣令襲衍植續載以臨治願將刊鏤布示于遠謀奉堅琰留真  
佛廟氣求短引以著其下懿哉修君之賜楊祖之美乃文紀為  
人臣子之道於是乎至矣故為題此初八日謹序

王氏書目序

王深父

先君好聚書然起游士為州縣小官十餘年晚始登朝有以得  
其入溝而仰衆月率無寧歲歲觀朝以益諸書巾印而備寫書

世所難得而其大行者往往未暇及故王氏之書於國子書尤  
缺先君曰極吾力不能厭吾意而老矣雖然吾有子孫幸續吾  
家先舊而益新則數世之後王氏之書可勝道哉吾觀今時之人  
凡所以望於其子孫者富貴利祿非分之所難則命之不可強也  
也今吾獨好是物而以遺於子孫有賢者即益以張吾世於孝  
者也如其不賢猶足以自守尔比夫遼東眉眉貪爭於分命之  
所當失之則悲者不亦約而易操乎故嘗自錄其目為一卷嘗  
主簿臨安時燕居於廳之錦樓因以名焉嗚呼先君沒十年回  
兄弟尋甚蠶室宅土以接衣食而書之益日少相視痛憤悲不  
負先君之志而後子孫不能知之故據錦樓差別其類重錄一  
卷而於世書之尤各記先君及回等所得之年歲今後子孫於其  
所得者亦各以名記其年歲世世傳之如此嗚呼先君之志果  
集而異驗則王氏之興可知也皇祐五年閏七月二十七日回

元祐會計錄序

顧濱先生

臣聞漢祖入關蕭何收秦圖籍周知四方盈虛強弱之實漢祖賴之以并天下天吉無相幻攻薊入雲中代郡吉使東曹考案邊境條其兵食之有無與將吏之中否遂巡進對指揮而定由此觀之古之人所以運籌帷幄之中制勝千里之外者圖籍之功也蓋事之在官必見於書其始無不具者獨患多而易忘久而易滅數千載之後人亡而書散其不可考者多矣唐李吉甫始簿錄元和國計并包巨細無所不具國朝三司使丁謂等因之為景德元祐治平熙寧四書網羅一時出內之計首尾八十餘年本末相授有司得以居今而知昔參酌同異因時施宜此前人作書之本意也臣以不佞待罪地官上承元豐之餘業親觀二聖之新政時事之變易財賦之登耗可得而言也謹按藝祖皇帝創業之始海內分裂租賦之入不能半今世然而宗室尚鮮諸王不過數人仕者寡少自朝廷郡縣皆不能倍官士

卒精練常以少克衆用此三者故能奮於不足之中而綽然常  
若有餘及其列國款附賅貢相屬於道府庫充塞創景福內庫  
以蓄金幣爲殄虜之策太宗因之克平太原真宗繼之懷服契  
丹二患既弭天下安樂日登富庶故咸平景德之間号稱太平  
群臣稱頌功德不知所以裁之者於是請封泰山祀汾陰禮亳  
社屬車所至費以鉅萬而上清昭應集禧景靈之功相繼而起  
累世之積靡耗多矣其後昭應之災巨下復以營繕爲言大臣  
力爭章獻感悟然遂與天下休息仁宗仁聖清心省事以幸  
天下然而民物蕃庶未復其舊而夏賊竊發邊久無備遂命益  
兵以應敵急征以養兵雖間出內藏之積以求紓民而四方騷然  
民不安其居矣其後西戎既平而已益之兵遂不復汰加以宗  
子蕃衍充牣宮邸官吏充積負溢於位財之不贍爲日久矣英  
宗嗣位慨然有收弊之意群臣竦觀幾見日新之政而大業未  
遂神考嗣世忿流弊之委積閔財力之傷耗覓政之初爲強兵

富國之計有司奉承違失本旨始爲青苗助役以病農民繼爲  
市場鹽鐵以困商賈利孔百出不專於三司於是經入竭於上  
民力屈於下繼以南征交趾西討拓跋用兵之費一日千金繼  
內帑別藏時有以助之而國亦備矣今二聖臨御方恭默無爲  
求民之疾苦而瘡之令之不便無不釋去民亦少休矣而西夏  
不貢水旱繼作凡國之用度大率多於前世當此之時而不思  
所以濟之豈不殆哉臣歷觀前世待盈守成艱於創業之君蓋  
盈之必溢而成之必毀物理之至有不可逃者盈成之間非有  
德者不安非有法者不久昔秦隋之盛非無法也內建百官外  
列郡縣至於漢唐因而行之卒不能改然皆二世而亡何者無  
德以爲安也漢文帝恭儉寡欲專務以德化民民富而國治後  
世莫及然身沒之後七國作難幾於亂亡晉武帝削平吳蜀任  
賢使能寵愛直言有明主之風然而亡不旋踵子弟內叛羗胡  
外亂遂以失國亡二帝者皆無法以爲久也今二聖之治安而



靜仁而怨德積於世秦隋之憂臣無所措心矣然而空墮之極  
法更不立雖無漢晉強臣敵國之患而數年之間國用殫竭臣  
恐未可安枕而卧也故臣願得終言之凡計會之實取元豐之  
八年而其爲別有五一日收支二曰民賦三曰課入四曰儲備  
五曰經費五者既具然後著之以見在列之以通表而天下之  
大計可以盡地而談也若夫內藏右曹之積與天下封樁之實  
非昔三司所領則不入會計將著之他書以備覲覲焉臣謹叙

民賦序

同前

古之民政有不可復者三焉自祖宗以來論事者嘗以爲言而  
爲政者嘗試其事矣然爲之愈詳而民愈擾事之愈力而功愈  
難其故何哉古者隱兵於農熙事則耕有事則戰安平之世無  
廩給之費征伐之際得勤力之士此儒者之所歎息而言也然  
而熙寧之初爲保甲之令民始嫁母贅子斷壞支牒以求免丁  
及其既成子弟挾縣官之勢以邀其父兄擅弓劍之技以暴其

物重至今河朔京東之空皆保田之餘也其後元豐之中爲保  
馬之法吏民計產養馬畜馬者衆焉不可得民至持金帛買馬  
於江淮小不中度輒斥不用郡縣歲時閱視可否權在監軍民  
不堪命民兵之害乃至於此此所謂不可復者一也周官泉府  
之制凡民之貸者以国服爲之息貸而求息三代之政有不然  
者矣詩曰俾彼甫田歲取十千我取其陳食我農人自宜有年  
而孟子亦云春省耕而補不足秋省斂而助不給古蓋有是道  
矣而未必有常數亦未必有常息也至於熙寧青苗之法凡主  
客戶得相保任而貸其息歲取十二出入之際吏緣爲姦請納  
之勞民費自倍凡自官而及私者率取二而得一自私而入公  
者率輸十而得五錢積於上布帛米粟賤不可售歲暮寒苦吏  
卒在門民號无告二十年之間民无貧富家產尽耗此所謂不  
可復者二也古者治民必周知其天家田畝六畜器械之數未  
有不知其數而能制其貧富者也未有不能制其貧富而能得

其心者也故三代之君開井田畫溝洫謹步畝嚴版圖因口之衆寡以授田因田之厚薄以制賦經界既定仁政自成下及隋唐風流已遠然其授民田有口分永業皆取之於官其歛民財有租庸調皆計之於口其後世亂法壞變為兩稅戶无主客以見居為薄人无丁中以貧富為差田之在民其漸由此貿易之際不可復知貧者急於售用則田多而稅少富者利於避役則田少而稅多僥倖一異稅役皆弊故丁謂之記景德田况之記皇祐皆以均稅為言矣然嘉祐中薛向孫琳始議方田量步畝審肥瘠以定賦稅之入熙寧中呂惠卿復建手實校私隱崇告訐以實貧富之等元豐中李瑜追究逃絕均虛數虛編戶以補失陷之稅此二者皆為國歛怨所得不補所失事不旋踵而罷此所謂不可復者三也故臣愚以謂為國者當務實而已不求其名誠使民尽力耕田賦輸以養兵終身无復征戍之勞而朝廷招募男力強役之民教之戰陣以衛良民二者各得其利就

何所不可哉。富民之家取有餘以貸不足。雖有告稱之息而子  
本之責。官不為理償進之日。布縷菽粟雞豚犬彘百物皆售。州  
縣晏然。吏由直之斷。而民自相養。蓋亦足矣。至於田賦厚薄。多  
寡之異。雖小有不齊。而安靜不撓。民樂其業。賦以時入。所失无  
幾。因其交易而質其欺。隱繩之以法。亦足以禁其太甚。苛宇文  
融括諸道客戶。州縣觀望虛張其數。以實戶為客。雖得戶八十  
餘萬。歲得錢數百萬。而百姓困弊實召天寶之亂。均稅之害。何  
以異此。凡此三者。儒者平昔之所稱頌。以為先王之道法用之。  
足以致太平者也。然數十年以來。屢試而屢敗。足以為後世好  
名者之戒矣。惟嘉祐以前。自役在民。衙前大者主倉庫。窮黷運  
小者治燕享。職迎送被家之禍。易於反掌。至於州縣役。又皆貪  
官暴吏之所誅求。仰以為生者。先帝深究其病。鬻坑場以募衙  
前。均役錢以雇諸役。使民得闔門治生。而吏不敢苛問。有司奉  
行不得其當。坊場求數倍之價。役錢取寬剩之積。而民始困蹙。

不堪其生矣今一聖覓觀前事知其得失之實既尽去保甲青苗均稅至於役法幸差雇之中惟便民者取之郡縣奉承雖未即能尽而天下之民知天子之愛我矣故臣於民賦之篇備論其得失俾後有考焉

古今家誠序

同前

老子曰慈故能勇儉故能廣或曰慈則安能勇曰父母之於子也愛之深故其為之重事也精以深愛而行精慮故其為之避害也速而就利也果此慈之所以能勇也非父母之賢於人勢有所必至矣輒少而讀書見父母之戒其子者諄諄乎惟恐其不及也惻惻乎惟恐其不入也曰嗚呼此父母之心也哉師之於弟子也為之規矩以授之貧者引之不賢者不強也君之於臣也為之号令以戒之能者予之不能者取也臣之於君也可則諫否則去子之於父也以幾諫不敢顯皆有礼存焉父母則不然子雖不肖豈有亦齊者哉是以及其有以告之无憾而後

止詩曰淵猷敏行潦挹彼注茲可以饋諸弟君子民之  
夫雖行潦之陋而無所弃猶父母之無弃子也故父母之志立  
人倫之極也雖其不賢及其為子言也必忠且盡而況其賢乎  
乎太常少卿長沙孫公景脩少孤而教於母母賢能教其子  
老而念母之心不忘為賢母錄以致其意既又集古今  
四十九人以示輟曰古有為是書者而其文不字吾  
為此合衆父母之心以遺天下之人庶幾有益乎輟  
曰雖有悖子然聞於市莫之能止也聞父母之聲則  
六人之過之者亦莫不泣也慈孝之心人皆有之特  
之耳今是書也垂將以誅之歟雖廣之天下不可也  
至於今父戒四十五母戒四公又將益廣之未止也  
元豐二年四月三日眉陽蘇轍序

追榮集序

元叅政

聖帝尊道體嚴義顯有功舊聞終以風天下忠義之勸維忠

獻韓公以永興節度司徒兼侍中薨下鄴上輓悼置朝服制  
以尚書令告第又以配 英宗廟食告于朝都堂集議合處  
國又賢二法易公名勅博士弟祠法則加等大中侍持節職喪  
發卒治棺具一品鹵簿鼓吹葬公故原 宸筆爲製又以詔神  
道而篆其首曰兩朝關命定策元勳之碑其孤志彥以上之賜  
不以其御製碑銘及冊證遺直等文摹刻方體題曰追榮集且  
來請序其末竊惟忠獻公之盛德美業爲時宗巨獨開沉謀首  
建大議代卽得橫庚之繇翼室受憑几之遺扶六龍於初潛拯  
重先於黃道九鼎安妥時惟公功昊天不慙梁木其壞 皇上  
永懷舊德駿發蒼恩鋪三王之英函六藝之法褒次闕闕作爲  
銘詩如雲章自華閨飾万物使美王之氣見于山川至其論公  
尊強社稷功高而不矜朱興以來功臣未能遠過方漢之周勃  
唐之姚崇其不幾乎噫堯聰之知人舜知之念功衡尺精微無  
圭黍之間俾忠臣感類補良吾之銘國人齊咨泣乎雋之詩古

野有死公為不亡彼正觀者司空之碑而興稱首之毀開元表  
江左之權而非極致之文豈若公感遇聖皇終始殊懷實以神  
藻揭諸勳銘金刻煌煌與穹壤同永老臣固陋詎敢飾翰墨以  
望清先之歸歸哉叙十篇後姑以題孝子之請

新刊 國朝二百名家名賢集卷第二百五十八



新刊國朝一百家名賢文集卷第一百五十九

序

文集序七

禮閣新儀序

南豐先生

禮閣新儀二十篇其公肅撰記開元以後至元和之變禮書館  
秘閣及日書計目二十篇集賢院書二十篇以參相校史館秘閣  
及日書多複重其篇以省八集賢院書獨具然日書有目錄一  
篇以考其大敘蓋此書全二十篇則集賢院書雖未然其篇大亦  
亂既正其脫謬因定著從目錄而禮閣新儀二十篇復完夫孔  
者其本在於養人之性而其用在於言動視聽之間使人之言  
動相聽一於禮則安有放其邪心而窮於外物哉不放其邪心  
不窮於外物則禍亂可息而財用可充其立意微其為法遠矣  
故設其器制其物為其數立其文以待其有事者皆人之起居  
出入吉凶哀樂之具所謂其用在乎言動視聽之間者也然而

古今之變不同而俗之便習亦異則法制數度其久而不能無弊者勢固然也故爲禮者有其始莫不宜於當世而其後多失而難遵亦其理然也夫則必改制以求其當故叢叢以乘至於三代之禮未嘗同也後世夫三代蓋子有餘歲其所遭之變所習之便不同固已遠矣而議者不原聖人制作之方乃謂設其器制其物爲其數立其文以待其有事而爲其起居出入吉凶哀樂之具者當一以追先王之迹然後禮可得而興也至其說之不可求其制之不可考或不宜於人不合於用則益至於漠然而不敢爲使人之言動視聽之間湯然莫爲之節至惠夫爲罪者之不止則繁於爲法以禦之故法至於不勝其繁而犯者亦至於不勝其衆豈不惑哉蓋上世聖人有爲未耜者或不爲宮室爲舟車者或不爲棺槨豈其智不足爲哉以謂人之所未病者不必改也至於後聖有爲宮室者不以土處爲不可變也爲棺槨者不以葛藁爲不可易也豈好爲相反哉以謂人之所

既病者不可因也又至於後聖則有設兩觀而更采象之質致  
文粹而易充棺之素豈不能從儉哉以謂人情之所好者能爲  
之節而不能絕也由是觀之古今之變不同而俗之便習亦異  
則亦屢變其法以宜之何必一一以追先王之迹哉其要在於  
養民之性防民之欲者本末先後能合乎先王之意而已此制  
作之方也故元尊之上而薄酒之用大羹之先而厭羞之飽一  
以爲貴者本一以爲貴用則知聖人作而爲後世之禮者必貴俎  
豆而今之器用不廢也先弁冕而今之衣服不禁也其推之皆  
然然後其所改易更革不至乎拂天下之勢駭天下之情而固  
已合乎先王之意矣是以歲農以來至於三代禮未嘗同而制  
作之如此者亦未嘗異也後世不推其如此而或至於不敢爲  
或爲之者特出於其勢之不得已故苟簡而不能備希闊而不  
常行又不過用之於上而未有加之於民者也故其本在於養  
人之性而其用在於言動視聽之間者歷千餘歲民未嘗得損

於其目目况其服習而安之者乎至其陷於罪戾則繁於爲法以禦之其亦不仁也哉此書所紀雖其事已遠然凡世之記礼者亦皆有所本而一時之得失具焉昔孔子於告朔愛其禮之存况於一代之典籍哉故其書不得不貴因爲之定著以俟夫論禮者考而擇焉

仁宗訓典序

范太史

臣竊以語聖人之德必以其甚盛者爲稱觀先王之治必以所多者爲尚堯以仁舜以孝禹以功文王以文皆其甚盛者也夏之政忠商之政質周之政文皆其所多者也三代以後其德不極其治不純然而亦必有盛多者焉漢孝子之恭儉唐太宗之勇烈考之三王抑其少也惟我有宋受天眷命太祖開心於有天下而神器歸之至仁如天神武不殺終捨其子以授大聖堯舜傳賢不食過也太宗繼文海內爲一真宗守成治致太平至于仁宗當勝殘去殺之運制礼作樂之會尤有天下四十二

宋興以來事國最久修身一堂之上而置天下於太山之安  
端拱於法宮之中而隣一卅於仁壽之域舟車所通日月所照  
無思不服威靈在天既三十年仁深澤厚淪浹海宇流風未息  
故老猶存窮山窟穴之氓言之則流涕被髮左衽之俗聞之則稽  
首用能光大累聖無前之烈恢建後嗣無窮之基昔周公作無  
逸本之太王王季以及文王追配二宗四人迪哲多稱文王之  
德以勸成王取其可爲法者也漢自高祖至于肅宗非無賢宗  
而漢世之治獨稱孝文唐自高祖至于宣宗亦非無令主而唐  
世之治獨稱太宗皆取其子孫可守以爲成憲也洪惟本朝祖  
宗以聖繼聖其治尚仁而仁宗得其粹焉古者史爲書以勸戒  
人君唐史官吳兢以作正觀政要仁宗時命史臣編三朝寶訓  
神宗時亦論次兩朝之事陛下又命近臣以神宗之訓上繼五  
朝以備述英進讀曰陳于前考自三代以來未有六聖相承其  
德克類者也恭惟仁宗言爲謹訓動爲典則實成成之規矩致

治之準繩曰謹錄天禧以來訖于嘉祐五十年之事凡三百十  
有一篇爲六卷名其書曰仁皇訓典以助睿覽庶有萬一之補  
焉元祐八年正月日巨祖禹昧死謹上

中宮懿範序

王樞密

夫正位宮闈同躋天子奉宗廟爲天下母非有盛德莫勝焉考  
詩書所稱至漢唐之際能全厥始之美者少皆奉上以敬順接  
下以寬仁謙恭儉約而常以驕奢盈滿爲戒姑忌之念不積于  
心讒邪之言不納于耳虛懷受善動必由禮而孜孜夙夜以輔  
佐君子爲志故能享尊榮保安樂而日隆家人之道與方秉此  
德於無窮有忽于茲悔吝憂危隨其淺深如響而至可不慎哉  
竊以謂居其位不可以不知其故謹採先王經訓洎前言往行  
可以爲法者編成一卷目曰中宮懿範庶誦其言而致思聞其  
風而好慕日月之下薄有補云

仁宗御書後序

後山居士

人皆有所好其上勝之其次任之其下蘊崇之也惟至人無好  
有所好者同于人也神文聖武皇帝其好之與人同其勝之與  
人異同以爲德異以爲法迹聲色而欲不勝禮寶珠玉而利不  
勝義時遊田而逸不勝度故其在位四十餘年而四方百物無  
所懷益願好雅白書明憲淨几時一爲之以侈其好於是將相  
宗戚家有藏焉臣不知書不能頌其美而竊有所歎也凡載不  
滯古則徇今滯古則舍已而就規矩徇今則略法而逐世好故  
其弊君臣爭名而禍亂從之臣竊窺觀皇帝會法而忘世會理  
而忘法故工拙偏正不足論也所謂有其道而進於技者王莽有  
之於載蓋如此彭城王氏世爲貴將故其家有傳焉其從孫乃  
壽主簿臣有基以皇帝所書六大字以示臣臣蓋望而知之也  
臣不知書然望而知之者臣以理得之也臣惟皇帝却天下之  
好而留神翰墨乃帝者之懿德來世之偉聞而臣實懼焉臣聞  
故老言當斯之時二府百吏內宗外姻下逮近習莫不好書夫

士大夫阿主之好而爲書未害於政而臣懼小人因書以進以故君子於其所好又有慎焉臣惟皇帝之知此故出無其傳而臣之愚不得不懼也

正蒙書序

去閣先生

熙寧三年子張子移疾歸休南山下齋居玩道者六年始立言爲書以正蒙名之出示門人門人未卒學子張子沒後十年書尚未大傳門人相與謀序其作書之意而藏于家以待後世之知言者以郡呂某曰嗚呼大學不傳久矣孔子之門如子貢之高弟猶曰夫子之言性與天道不可得而聞也夫豈有隱而孔子未嘗言之蓋不明人倫則性命之理無解錯不本性命則孔義之文無所出孔子之言性與天道合天人兼本末妙道精義嘗存乎君臣父子夫婦明友之間不遠乎交際酬酢洒掃應對之末如異端之學絕倫離類造乎難知難行之域則子貢者庶乃習乎文章而不敢謂性命之理亦在是乎孔子傳之孟子孟



子死不得其傳子張子生乎百世之下絕孝之餘異端爭長俗  
孝失真超然自達獨立不懼推吾意以逆聖人之志致吾知以  
窮天地万物之理及之於吾心而悅質之於經而合考之於理  
而不繆推之於天下國家而可行言不主文發端非一雖六經之  
所未言先儒之所未稱聖人復起知不易乎斯言矣或曰古人  
之所不可得而聞者夫子悉傳之書書不尽言言不尽意夫子  
盡矣曰道之不明未有如是之甚孝之不繼未有如是之久使  
夫子而不言不幾乎絕而不傳者乎時然後言亦夫子之所不  
得已也元祐元年四月二十有三日序

御賜吳玠少師親札及詔書等序

玉臺王公

建炎三年金人踐有同華夫子在建康命知樞密院臣張浚為川陝宣  
撫處置使四年秋九月浚合五路之師與金人戰于富平我師敗績金  
人乘勝遂北有陝西之地遂欲窺伺川蜀時秦鳳路馬步軍副總管  
知鳳翔府吳玠收其衆保大散關之東曰和尚原明年改元紹興冬

十月其元帥元木會諸道兵十餘万自陳倉涉渭長驅上散玠率兵  
擊之虜衆大潰元木遁而免追奔至渭上師幾殲焉捷書聞天子始識  
玠名金人自陷京師所至州縣皆望風驚散莫有鬪者至是中國之兵  
乃知金人可與戰而勝非若鬼神豺虎之不可禦也俄而和尚原失守  
玠退保仙人關金人亦憚玠威略以為不可敵三年乃潛師出商於下  
饒風玠命梁洋清野以待敵至元所得遂由斜谷以遁四年復大率犯  
仙人關玠力戰敗之敵偽斬溝若持以者一夕遁去自是畏服不敢來  
攻蜀人以安天子元西顧憂玠自屯和尚原以來為蜀捍蔽于有餘年  
天子每以宸翰賜之与凡詔書共六十一篇其門人宣正大夫郢州防  
禦使呂楊從儀夏次鏤板明玠忠勞寵遇如此以勸來者而厲目賞厚  
其意且尊觀漢光武中興建武十二年吳漢代公孫述進廣都光武以  
書戒之曰成都十餘万衆不可輕也但堅據廣都勿与爭鋒須其力疲  
乃可擊也吳漢不用幾致於敗及引還廣都且戰且進遂克成都臣伏  
讀宸翰有曰自古待降據險者幸彼之來坐以制勝未聞望風而靡也

天子

藏

武又嘗觀李靖為唐名將其五世孫產芳家

晝夜視公疾大老嫗遺來吾欲執公起居

狀皆入宗手墨權德輿讀之至流涕曰君臣之際乃尔邪臣伏讀

宸翰有曰但恨阻遠不得撫御背而慰朕之心也玠之遭遇何異

李靖謹再拜稽首而書之紹興十六年七月一日左朝議大夫知

興州軍州事提平字事兼管內勸農使賜紫金魚袋臣王寅

謹序

汴都賦序

濟北先生

宋興百年仁宗時天下又安人務衣食至熙寧元豐間積弊漸

久於是天子方奮然有意修法度齊庶官正宗廟宮室井欄城

域使各有職以隆中興示天下為太平觀而奉議郎前知亳州

譙縣事閔景暉初奏汴都賦以調天子嘉其才命對便殿景暉

言天子盛德焦勞天下蓋四方之政所以行而其末歸之清淨

以諫上愛民力固基本如所奏賦旨天子以語宰相使補中都

官之缺景暉貧不能留京師乃官河北而先帝弃天下景暉亦  
行去河北抱其賦而泣以屬北京國子監教授晁補之序其意  
補之曰聖人初無意於言六經之辭皆不得已夫不得已故言  
之致必始於詳說而後終之以說約聽廉者語不若聽孝者語  
夸易好也聽校者語不若聽婉者語婉易從也故賦之類常欲  
人博聞而微辭見人言九州山川城郭道路大行呂梁舟車方  
里之勤則使人思投轄弭節見人言州閭大會賓主酬酢匏竹  
歌咽痛夕獸滿酤酸肴脯則使人思弛帶而卧故上林羽獵言  
卒徒之盛終日馳騁則必以節儉成之揚雄以謂猶騁鄭衛之  
聲曲終而奏雅後世徇以雄悔之因弃不務然補之竊怪此來  
進士舉有曰者說五經皆喜爲華葉波瀾說一至百千語不能  
休曰不如是肯不白然卒不白至僻賦獨曰是侈麗闕衍何也  
景暉爲人蓋淡泊寡嗜好至飯脫粟茹藿自枯槁與補之更或  
終日不道人一事或終歲不見其喜愠夫固安爲侈麗闕衍者

李方叔遺藁序

李方叔遺藁序

澗上文人

韓山李侯以其先君子之遺藁示余曰文人吾先世之執友與  
吾父游乃數十年以相從論文賦詩為事余只以屬藁之文與  
應數年篇藏于家小子不敏大懼日月之逾邁不有序述以昭  
示子孫使世守勿墜則後之子孫翹然或忘其章是不肖之孤  
荒弃厥緒使其後世無以考吾父之志而承其業世之學者欲  
觀吾父之志業於何求焉唯夫子為我序而明之豈唯不肖之  
孤是望其亦吾父之志也余應之曰子既以正集託序於岑侯  
彥休而彥休又大述乃父之懿烈矣亦何事於余而余雖欲志  
之將何述焉雖然世之論方叔之文者多矣余竊以為未之或  
知也若僕之所見則有異乎是世之人見方叔出入東坡先生  
之門則遂以為學其文且似之者是大不然也東坡公之文雄  
峻高簡而優游自得方叔之文紆余委備詳緩而典雅斷然各

爲一家之文初不相同也豈唯方叔古之人皆然孟軻學子思者也其爲文則不類子思宋玉學屈原者也其爲文則不類屈原太史公學丘明者也其爲文則不類丘明李習之學退之者也其爲文則不類退之唐之詩人非無李白杜甫也薰陶乎氣韻踵接其步武非異代相望也然而王維孟浩然高適韋應物杜牧李賀白居易劉禹錫元稹李商隱張籍顧況溫庭筠之徒及其它詩人以數百各自成一家未嘗肯規矩蹈襲甫白曰豈以甫白爲不足法哉非唯不相蹈襲亦人之才性有殊文之成也自不相同耳故自三代以來屬文者以數千家未嘗有相同者也又何怪方叔之文不類乎東坡哉唯其不相蹈襲然後見其於文有得且有成也韓文公有言唯古於辭必已出降而不能乃剽脫又云唯陳言之務去李青之云前人既言之矣吾復言之與前人之何以異也今之後生欲學爲文詞必先剽竊採撫於前人是以前學而不至讀之便知其於文無所得且無所成

也孟子論君子之道於道欲其自得之爲文詞豈不然哉由是言之方叔之不類東坡正得學文之弊而方叔之文所以工也世猶未之知耳子姑以是冠其遺編之首後之人必有能辨之者當知余言之不佞

胡先生言行錄序

龍溪先生

自孔子沒諸儒以學名家固無世無人而其間必有卓然名世者德與言稱當時師之後世尊之以漢四百年所得者楊雄氏而止耳以唐三百年所得者韓愈氏而止耳如董仲舒戴康成王通孔頴達之徒非無益於後世也仲舒倡災祥之說王通襲聖人之迹康成頴達守區區訓詁之文學者疑焉此三子所以歸然獨爲後世宗也宋興八十餘年至慶曆皇祐間儒學無愧於古矣當時學者以泰山孫明復狙狽石守道海陵胡先生爲師而先生之門爲最盛弟子各以其經轉相傳授常數百人仁義禮樂之風藹然被乎東南公卿偉人縣先生之門而出者

梅鍾子時蓋數十年未已也熙寧以來學者非王氏不宗而先生之學不絕如錢矣然識者知其必興逮今天子一新斯文力去黨同之弊訪先生之後得其孫滌而官之縣是先生之學復振耀流通人人讀先生之書如慶曆皇祐時先生雖嘗再至京師爲太學官待經天章閣而教授吳興爲最久其逮太學京師也又嘗下吳興取先生之法爲法則吳興者先生之洙泗也紹興八年錢塘閔注子東仁吳興學布先生之孫滌在焉相與輕先生遺書將以布之天下慰學者之思得先生易書若干篇出庸義若干篇既藏之學官矣又錄先生言行若干條爲一秩孟子曰君子之澤五世而斬小人之澤五世而斬予未得爲孔子徒也言君子小人雖賢否不同而澤之所施同乎有盡唯義理之在人心者爲無窮雖傳之百世可也則先生復行固宜然子東所以來先生之書者豈徒爲循誦言傳而已哉將以美風俗新人材於是乎在可謂知先生所以望後世之意矣



建炎中興日曆序

新安居士

臣忝被聖旨自記大元帥府事跡至陛下即寶位未編爲成書進御以塵玉覽將付之史館巨精白以承休德不知鼓舞仰惟皇帝陛下盛德之舉豈徒紀事而已哉聖意殆有所在臣聞伊尹申誥于太甲曰今王嗣有令緒而戒之以慎終于始蓋保位莫如慎如也始之不慎其克終者鮮矣慎終當慎乎始故君子大正始焉陛下以天錫智勇之英姿當陽九非常之厄運再造王室起于艱難思厥艱以大正厥始以圖克終紀事之意有在乎是天下幸甚臣仰遵聖訓謹以陛下自康邸奉淵聖皇帝詔出使虜庭改命建府以兵馬大元帥起義河朔由相及魏及鄆及濟憂勞百爲遭神器中移以天下之推戴續已斷之大統即祚於應天府臣往者首尾待罪今得以奉詔畢慮省記參以斷編而以事系之日以日繫之月以月繫之時以時系之年起自靖康元年冬十月一日十五日至于建炎元年夏五

月九日採事撫實編次成書分爲五卷名曰建炎中興日曆或  
庶幾仰副陛下大正始之意焉爾紹興四年四月二十二日具  
臣汪某謹上

後序

臣惶恐拜手稽首言臣蚤年遭逢文從驍總軍旅之事無補寸  
長惟幄之謀徒冀成算惟是蒙犯霜雪軼掌朝夕奉以周旋負  
罪甚多蒙德最厚故凡陛下孝弟之至形於云爲之粗經綸之  
大教於心術之微建府以來巨細首尾臣所得頗爲詳悉臣之  
肺腑未嘗或捨永惟陛下正德受命續已斷之大統典章或闕  
則年運而往所見異辭所聞異辭所傳聞異辭愈久而愈繆臣  
操管編緝初竊有志緣臣以罪屏斥流離轉徙六年于茲雖欲  
爲之私竊自謂不經上聖筆削懼天下後世弗以實信以是不  
敢輒私著述與野史混淆而取疑異代又恐忽先朝露不得措  
一辭以紀叙盛德大業之萬一攀附孤恩夙夜愧恨今也上天

舊史未喪斯文詔旨下頒臣得以纂類當時本末良以上簡惟  
陛下所筆削關諸天地而不謬實諸神明而無疑傳信將來如  
揭日月庶幾陛下再造基業之隆不至泯沒臣死無所憾言除  
編次建炎中興日曆奉詔旨外更復鋪陳初終紹爲後序曰  
臣恭惟皇帝陛下躬不吐之姿膺中天之運靖康丙午春太  
上皇帝出幸淮浙諸王從駕以往獨陛下奮激忠義文輔淵聖  
以衛宗廟社稷奉使虜庭陳義不屈金酋弗得辱卒講和而退  
逮秋金人渝盟長駟再入淵聖皇帝以陛下威名著於夷虜仍  
詔出使止師陛下朝聞命夕引道晨夜倍道疾馳期於有濟夫  
未悔禍事有大謬不然者陛下渡河未幾虜兵已引而南矣踰  
躡安陽既念王室思唱大義坐以待旦惟淵聖皇帝有禦侮之  
託命陛下以兵馬大元帥建府安陽治兵朔部履危渡河傳檄  
諸路趨師赴難激勵諸將如虎如龍如熊如羆人倍其氣盡將  
効死以進會附傳以聖蠟到親筆又樞密院謄書謂金人登城

欽兵不下方議通和令王師退舍有無誤國事之戒陛下初欲  
矯制遂事幕府建白以投鼠忌器大兵外逼奈二聖何陛下寤  
寐靡遑枕戈隱忍以俟屬探報群醜爲度夏計邊鄙駐劄乃起  
師衆誓與死戰方鼓而前彼已宵遁痛竄駕之北狩駭邦昌之  
僭竊我辰安在不如無生會天下樂推而群臣勸進咸謂祖宗  
基業覆燬犬羊民心皇皇非后何戴正祥契應天寶曆之王帶  
寵行淵聖先大事之語御袍脫賜陛下有異夢之祥祝矢蠻弓  
射三發而連中臨河問渡水一泮而復凝稱康王爲靖王以非  
曆數之在躬見紅光如火光以顯炎正之再王乃至中軍雲覆  
華蓋初程宿宿利與上皇賜二字即真太母號三書傳序皆曰  
中興之運實繫受命之符人謀鬼謀孰不以爲宜乎迫不得已  
應天順人而即帝位夫豈偶然哉臣前之所載莫非紀陛下  
時行事之實雖漸潤色俯仰無愧臣竊惟陛下豈但俾臣編類  
事跡而已哉舜之好問禹之拜言其亦有望於顛沛之舊臣也

耶臣因得以畢千慮之愚以爲陛下獻臣聞齊公之入既立也  
與管仲鮑叔牙甯戚四人飲齊公請叔牙爲壽叔牙奉觴而起  
曰願君先忘在莒時管仲無忘束縛於魯時甯戚無忘鉗牛車  
下時齊公適席而謝曰寡人与二大夫能先忘夫子之言則社  
稷不危矣又聞漢光武大業既定異時馮異朝京師引曰  
倉卒無妻孥豈粥潯水河美飮厚恩又不報異稽手謝曰  
國家先忘河北之難臣無忘巾車之恩夫叔牙馮京之爲人臣猶  
忭慕獨恨臣老矣不勝受恩待不林泉効叔牙則奉觴無路比  
馮異則引見无階惟是忠不忘君願陛下無忘履歷艱難時臣  
當無忘執鞭弭奉以周旋時結草面報庶幾君臣俱榮方駕古  
人不其臆哉雖然臣抑又聞之孔子曰懼以終始其要无咎陛  
下即位以來宵旰憂勤誠能无忘矣臣之拳拳願陛下終始无  
忘而終始是懼則豈特無咎而已哉予以奉迎二圣予以克復  
中原殆將遠邁光武而下視齊公爲不足道臣謹彈竭情附

序日曆之末仲夏之夜之覽惟陛下察臣區區所以序之之意  
不勝幸甚具位臣汪某謹序

獎諭書後序

唐耒愍公

上即位之元年春正月臣自右史直隸大夫越三月遷詞按  
數省奏對恭承聖訓以恤民疾苦爲念至誠惻怛時於天顏目  
佩服堯言奉以周旋願宣布之未幾出守馮翊會有鹽場之警  
奔命旁午調發頻仍民亡聊賴臣旣効戡難力役省追呼一切拊  
循无妨農時无擾欲市以奉揚天子德意乃繕城池謹閑河拓  
卒旅整器械凡防秋所須悉遵詔旨吏不生姦民不生病而臣  
不承命亦臣職也幸逢司敗何足云勞而連帥誤以聞隆詔獎  
諭臣不武何以堪之昔漢宣帝按覈吏治二千石有理效璽書  
勉厲公卿鉅選諸所表以次用之漢世良吏於是爲盛時黃霸  
守潁川治爲天下第一召尹京兆而以之軍興張霸循良吏於  
倉猝之事鉅焉臣奮跡書見奉詔收民心勞政拙大懼不稱而

以軍務被獎臣實不貳何以堪之雖然斯民也三代之遺俗也其被祖宗涵育之澤為甚又頌天子寬仁勤儉之德為甚懋三老孝弟教誨之甚力而子弟之率甚謹不幸有警憂必有忠義慷慨以徇國家之急者豈忍疾視其長上而不肯効命哉是則臣之不乏軍興雖臣職也非臣之能也寔祖宗之餘澤而天子之盛德也其敢貪天之功以為己力乎謹舉謠書而刻諸堅珉以傳不朽敢拜手稽首而為之序云

參政兄內外制序

蘭陵孫公

嘗聞世之君子當以功名事業傳之天下後世不得已而後見於言語文章而謂之空言何謂空言舉人墨客賦上林誇雲夢夸雄聞鹿諷一而勸百謂之空言可也俚儒俗子誇詭然刻丹記遺而不切於事謂之空言可也爵臣萬公登高望遠撫劍長歌擊岳而呼烏烏以自鳴其不遇亦謂之空言可也若夫鴻儒碩學之士逢時遇主擅大手筆布宣德音煥為大旨四海震動

沛然如雷霆之發疾風驟雨之至故有窮荒絕徼窮強不臣之  
虜征誅所不能加者傳檄可定矣改厯梟雄驕悍不軌之臣法  
令所不能制者折簡可呼也戰筆而生姦臣賊子懼而受惡固  
嚴於一劓之誅也赦令之行武夫叛平江而悔過固賢於百萬  
之師也一字之褒如華夏之言之感如挾纊天威在顏不違咫  
尺而文章之功蓋侔於造物矣謂之空言可乎參政公自幼季  
号神童兩著名藉於礼部遂收其科又李宏詞為第一累踐冊  
府再遷尚書郎復入祕書為少監蓋仕朝廷十五年專以文字  
言語為官常精深華妙可薦郊廟被之金石而大臣用經  
典初召見獨為上所識遂擢右史俄拜中書舍人三人皆為  
宰士當是時大憝未除群盜相拔而起四万多事大憲  
上所以戡難定功憂閔元元之意一時代言之臣惟公  
意則坦深厚坦然著明天下傳誦以為口實既參政事  
矣朝廷有大典冊必命公為之聖賢相遇於是為盛



子大雅得公所作內制制若干首讀之而嘆曰辭健而已矣夫  
人好中心之所欲言言有裨於其意意有不盡於言者辭不達  
也况夫代言者道聖心難喻之情於四方万里之遠使人人曉  
然知吾君德意之所在如啜去鯁口腹皆通惟公之文爲然庶  
虛美無溢惡豐而不靡約而不昧一代之弘文爲後世法乃序  
而藏之

晁氏崇福集序

金華先生

論兵至於奇論畫至於神固不可以加矣然必有所爲以正爲  
主彼二者皆其變也天下之作無難於文章而西京爲之宗此  
佛氏所謂正法眼藏者若夫淵源接受不失其傳而極于變則  
本朝號文章家莫盛昭德之是惟晁氏自文元文莊以道德顯  
聯芳大史其後大音迭奏可凜龍象出世不乏人如元祐之無咎  
靖康之以道雖材用窮矣而初嘗入東觀入西掖振耀於一時  
獨登之道成登年坐黨錮逐老以死觀其方應試詞科蓋已溫厚

亦雅然許宜足多哉余晚與吳王叔賢游乃悉得遺集而暇  
復之文章真訣又在吾友矣信乎瑤林寶樹而升穴無凡毛也  
取命上饒諸故於以發千載不朽之幽光退之日文季者必慎其  
所道璧京公河而下苟不止雖有疾運必至於海如不得其道雖  
疾不止終莫幸而至焉庶苟欲趣西京之正宗而力去歌散之  
末習捨是肩刻心焉

石月先生至言後序

金華先生

昔者孔子蓋嘗論學矣曰知之者不如好之者好之者不如樂  
之者至謂當時之好學則已遠顏子而已故自以爲憤志食樂  
以忘憂又曰費哉回也在陋巷人不堪其憂回也不改其樂此  
學之大成也今之去孔子益遠矣學而能好好而能樂其性石  
月先生乎然顏子之短命孔子以爲不幸先生年彌高德彌新  
天其使主盟吾道豈不文也豈非孔子之幸歟而顏子之幸乎  
思得之其微言之所著見者中庸是也先生至言之言豈當宗

肩担囊裏其於學者甚惠其自泉所蒙恩比還時先生從其子  
吉部公將漕江而其舟過南昌復入拜先生於堂上一日先生  
不鄙遂授其以其書其服履甚舊信夫先生今日之老顏子也則  
其之苟求進中庸之正道捨先生而焉歸其政具論之以勸其  
者紹興十五年仲春眉山程某書

臨川文集序

金華先生

自孔子歿曾子子思孟子以降得道德之傳而發聖賢之秘以  
詔後覺惟國朝歐陽氏司馬氏蘇氏王氏程氏各一家言皆非  
漢唐先儒之所及然王氏之學其契在於尚同而施於政事  
者又不盡失於功利文正東坡二先生之所排者以此而已及  
至於文詞之雅律詩章之精深春容怡愉一唱三嘆盡善極羣  
則無以議也而後代之士見之不明講之不詳輒摘以爲邪說舉  
而弃之可乎鄉人杜仲容悉哀臨川九所論著合爲大成集錄  
本以行於世曰抑有以也謂吾州里唯知尊蘇氏而不博取約

守以會仁智之歸彼自陋也將因以廣之予於是樂為之書

新刊 國朝一百家名賢文粹卷第一百五十九

新刊 國朝二百家名賢文粹卷第一百六十五

序

詩集序一

梅聖俞詩集序

六十五

予聞世謂詩人少達而多窮夫豈然哉蓋古所傳詩者多爲窮  
古窮人之辭也凡士之蘊其所有而不得施於世者多爲窮  
於山巔水涯外見蟲魚草木風雲鳥獸之狀類往往採其奇怪  
內有憂思感憤之鬱積其興於怨刺以道羈臣棄婦之所歎而  
寫人情之難言蓋愈窮則愈工然則非詩之能窮人殆窮者而  
後工也予友梅聖俞少以蔭補爲吏累舉進士朝抑於有司困  
於州縣凡十餘年年今五十猶從辟書爲人之佐鬱其所蓄不  
得奮見於事業其家宛陵幼習於詩自爲童子出語已驚其長  
老旣長學乎六經仁義之說其爲文章簡古純粹不求苟說於  
世世之人徒知其詩而已然時無賢思語詩者必求之聖俞聖

俞亦自以其不得志者樂於詩而致之故其平生所作於詩尤  
多世既知之矣而未有薦于上者昔王文康公嘗見而歎曰二  
百年無此作矣虽知之深亦不果薦也若使其幸得用於朝廷  
作爲雅頌以歌詠大宋之功德薦之清廟而追商周魯頌之作  
者豈不偉歟奈何使其老不得志而爲窮者之詩乃徒致於虫  
魚物類羈縻感歎之言世徒喜見工不知其窮之久而將老也  
可不惜哉聖俞詩既多不自收拾其妻之兄子謝景初懼其多  
而易失也取其自洛陽至于吳興已來所作次爲十卷子嘗嗜  
聖俞詩而患不能尽得之遽喜謝氏之能類次也輒序而藏之  
其後十五年聖俞以疾卒于京師余既哭而銘之因索于其家  
得其遺藁率余篇爲一十五卷嗚呼吾於聖俞討論之許矣故  
不復云廬陵歐陽脩序

送李處歸廬詩序

王岐公

今天仕官而不得志猶或不能謝事以去况得位而志行是亦

去之之難也朝廷養廉恥於士大夫故於其去也莫不致恩禮以表其所難其能矯世所競而厲己之所難幾希其人哉臣伏思先帝在東宮舊嘗延忠駕粹夷齊之美之士以輔於聖李有若龍圖閣直學士兼侍讀給事中李受寶維其人先帝即位之明年輒上書言臣老矣頭无以裨聖化願乞骸骨以明書至五六上他日自厚陵泣還乃復言曰臣在先帝時年已七十不敢竊祿以自安也數請于朝今又加以數年日之筋力不能也甚矣惟天子裁哀之上憫念先帝東宮舊臣无幾而受之駕道潔身亦閔勞以官職之事於是聽以尚書刑部侍郎致仕十月庚戌召對延和殿乙卯詔侍讀臣珪目光臣領侍講臣公著臣獬臣愚恭臣卞修起居注臣繪飲餞資善堂上數遣盼子之良厚既又命即席賦詩以送之昔漢二疎一朝辭位而去歸其鄉道路觀者唯歎息以爲貴然不見當時公卿祖送之詩前日李東之自去經進臣亦嘗爲詩今復使賦送愛之詩誠以事在人耳

久則泯至天子所命之詩則將流于金石之傳愈新夫然願上  
之所以優待師儒之禮何如哉東之素家洛而受近徙九江雖  
世族不同然其迹出于一時世之言二李者不亦遠過二疎之  
事乎受且行自陳感遇之意亦作詩一章用繫諸本末云治平  
四年十月庚申日且謹序

石曼卿詩集序

徂徠先生

詩之作與人生偕者也。幽愉憂樂悲鬱之氣必舒於言。能者材  
之傳於律。故其流行元稹可以播而交鬼神也。古之有天下者  
欲知風教之感氣俗之變。必立官司採掇而監聽之。由是張弛  
其務以足其所思。乃能享世長久。弊亂元由而生。厥後官廢詩  
不傳。在此者不復知民之所嚮。故政化頗悖。治道亡矣。詩之於  
時。蓋亦大物於文字尤為古尚。但作者才致鄙迫不揚。不入其  
域耳。國朝祥符中。民風豫而恭。操筆之士率以藻麗為勝。惟曼  
卿與穆參軍伯長自任以古道。作之文必經實。不放於世。而曼



卿之詩又特震奇珍發蓋能取古之所未至託飄物象之美於  
時鼓衆未嘗徒設雖能文者累數十百言不能卒其義獨以功  
諸蟠泊會而終於篇而復氣橫去意舉飄出章句之外學者不  
可尋其昇闕而依倚之其詩之豪者故曼卿資字軒豁遇重輒  
詠前後所爲不可計其逸士而存者纔三百餘篇古律不異分  
爲二冊一日觴子酒作而謂子曰子賢於文而又知詩能爲我  
序詩乎子應曰諾遂有作欲使觀者知詩之原故卒於用而已矣

林和靖詩集序

梅道講

天聖中聞南海西湖之上有林君蘄蘄有聲若高峯瀑泉望之  
可愛即之愈清挹之甘潔而不厭也是時予因適會始還訪於  
雷中其譚道孔孟止其語近世之文韓李也其順物玩情爲之  
詩則平淡粹美讀之令人忘百事也其辭主乎靜而不主乎刺  
譏然後知趣尚博遠寄適於此尔君在咸平景德間已大有聞  
會天子修封禪未及詔聘故終老而不得施用於時凡貴人鉅

公一來相遇無不語合羣和仰低回不忍去君既老朝廷不欲  
強起之而今長史歲時勞問及其歿也謚曰和靖先生先生少  
而多病不娶無子諸孫大年能聚所為詩詩子為序先生諱  
甫字君復年六十一其詩時人貴重甚於寶王先生未嘗自貴  
也就輒弄之故所存百無一二焉嗚呼惜哉皇祐五年六月十  
三日序

唐杜工部夔州詩序

蒲恭公

杜甫蜀中詩在夔州為最多蓋甫留夔三年初居於瀼西後移  
東屯今瀼西北市甫嘗獲良游觀處往往盡在以前詩考之風  
俗人物山川城邑景氣節候文章語言祠祀禱卜春時歌曲聲  
調負汲畚種之法植麻魚稻酒菽飲食之類與昔無以異者獨  
郡治升改不同耳自居夔遠出岷過巫山傳於今者其詩有二  
百六十一首嗚呼天不愛惜此老乃令流落來此兵亂之際浮  
游飄泊轉徙不一故其詩多為感傷悲憤之詞然未嘗不主於忠

義也淳熙縵切哀如適壯騷雅以後無此詩矣其三百篇之前  
裔歟今夔州太守取其夔州詩於刺史廳之北園爲堂三楹立  
八石以次刻之屬某序於其端顧某安能知用獨書之以證此  
方風物同異及甫去來始末云

送章平送行詩序

東坡先生

觀進士登科錄自天聖初訖于嘉祐之末凡四千五百一十有  
七人其實且賢以聞于世者蓋不可勝數數其上之三入凡三  
十有九而不至於公卿者五人而已可謂盛矣詩曰誕后稷之  
穡有相之道我仁祖之於士也亦然載之以聲律取之以糊名  
而異人出焉是何術哉目之所閱手之所歷口之所及其入未  
有不碩大光明秀傑者也此豈人力乎夫相之也天之相人君  
莫大於以人遺之其在位之二十五年進士蓋十舉矣而得吾  
子平以爲首子平以文章之美經術之富政事之敏守之以正  
行之以謙此功名富貴之所迫逐而不赦者也雖微舉首其孰

能加之然且因頸而不信十年於此矣意者任重道遠必老而後大成歟不然我仁祖之明而天相之遺之人以任其事而豈徒然哉熙寧三年冬子平自右司諫直集賢院出牧鄭州士大夫知其將用也十一月丁未會早觀音之佛舍相與賦詩以餞之余於子平為同年交眾以為為耳為此文也故不得辭

送杭州進士詩序

同前

右登彼公堂四章章四句太守陳公之詞也蘇子曰士之求仕也志於得也仕而不志於得者偽也苟志於得而不以其道復時上下而變其學曰吾期得而已矣則凡可以得者無不為也而可乎昔者齊景公田招虞人以旌不至孔子善之曰招虞人以皮冠夫旌與皮冠於義采有損益也然且不可而况使之奔其所望而舉非其道歟熙寧五年錢塘之士貢於禮部者九人十月乙酉燕于中和堂公作是辭以勉之曰流而不反者水也不以時止者松栢也言水而及松栢於其動者欲其難進也万

世不移者山也時飛時止者鴻鴈也言山而及鴻鴈於其靜者  
欲其及時也公之於士也可謂周矣詩曰無言不讎無德不報  
二三子何以報公乎

邵茂誠詩集序

同前

貴賤壽夭天也賢者必貴仁者必壽人之所欲也人之所欲適  
與天相值實難譬如匠慶之山而得成屢豈可常也哉因其適  
相值而責之以常然此人之所以多怨而不通也至於文人其  
窮也固宜勞心以耗神盛氣以忤物未老而衰病無患而得罪  
鮮不以文者天人之相值既難而人又自賊如此雖欲不固得  
乎茂誠諱迎姓邵氏與余同年登進士第十有五年而見之於  
吳興孫孝老之座上出其詩數百篇余讀之弥月不厭其文清  
和妙麗如晉宋間人而詩尤可愛咀嚙有味雜以江左唐人之  
風其為人篤學強記恭儉孝友而貴身法律敏於吏事其狀若  
不勝衣語言氣息僅屬余固哀其仕衆難以瘁其身且疑其將

病也踰年而茂誠卒又明年余過高郵則其喪在焉入哭之敗  
幃瓦聲應埃蕭然爲之出涕太息夫原憲之貧顏回之短命楊  
雄之無子馮衍之不遇皇甫士安之篤疾彼遇其一而人哀之  
至今而茂誠兼之豈非命也哉余是以錄其文哀而不怨亦茂  
誠之意也

錢塘勤上人詩集序

同前

世崔公鼎建尉賓客無一人至者其後獲用賓客欲往崔公大  
書其門曰一死一生乃知交情一貧一富乃知交態一貴一賤  
交情乃見世以爲口實然余嘗薄其爲人以其爲客則陋矣而公  
之所以待客者獨不爲小哉故太子少師歐陽公好士爲天下  
第一士有一言中於道不遠千里而求之甚於士之求公以故  
盡致天下豪俊自庸衆人以顯於世者固多矣然士之負公者  
亦時有蓋嘗慨然太息以人之難知爲好士者之戒意公之於  
士自是少倦而其退老於潁水之上余往見之則猶論士之賢

者唯恐其不聞於世也至於負己者則曰是罪我非其過霍公之  
客負公於生死貴賤之間而公之士叛公於瞬息俄頃之際霍  
公罪客而公罪已與二益厚賢於古遠矣公不喜佛老其徒  
有治詩書學仁義之說者必引而進之佛者惠勤從公遊三十  
餘年公嘗稱之為聰明才智有孝問者尤長於詩公葬於汝陰  
余哭之於其室其後見之語及於公未嘗不涕泣也勤固無求  
於世而公又非有德於勤者其所以涕泣不忘豈為利也哉余  
然後益知勤之賢使其得列於士大夫之間而從事於功名其  
不負公也審矣熙寧七年余自錢塘將赴高密勤出其詩若干  
篇求余文以傳於世余以為詩非待文而傳者也若其為人之  
大略則非斯文莫之傳也

是君成詩集序

同前

達賢者有後張湯是也張湯宜無後者也無其實而竊其名者  
無後揚雄是也揚雄宜有後者也達賢者有後吾是以知故賢

者之無後也無其實而竊其名者無後吾是以知有其實而詳  
其名者之有後也賢者民之所以生也而教之是絕民也名者  
古今之達尊也重於富貴而竊之是欺天也絕民欺天其無後  
不亦宜乎故曰達賢者與有其實而詳其名者皆有後吾常謂  
之云尔乃君官於杭杭之新妙令是君君成諱端友者君子人  
也吾與之游三年知其為君子而不知其為文與詩而君亦未  
嘗有一語及此者其後君既沒於京師其子補之出君之詩三  
百六十篇讀之而驚曰嗟夫詩之指雖微然其美惡高下猶有  
可以言傳而指見者至於人之賢不肖其深遠茫昧難知蓋甚  
於詩今吾尚不能知君之能詩則其所謂知君之為君子者果  
能盡知之乎君以進士得官所至民安樂之惟恐其去然未嘗  
以一言求於人凡從仕二十有三年而後改官以沒由此觀之  
非獨吾不知卒世莫之知也君之詩清厚靜深如其為人而每  
篇輒出新意奇語實為所共愛其勢非君深自費後人必知之



而其子補之於文無所不能博辯俊偉絕人遠甚將必顯於世  
吾是以益知有其實而諱其名者之必有後也昔李卻為漢中  
候吏和帝遣二使者微服入蜀館於卻卻以星知之後三年使  
者為漢中守而卻猶為候吏人莫知之者其博學隱德之報在  
其子故詩曰豈弟君子神所勞矣

晁繹先生詩集序

同前

孔子曰吾猶及史之闕文也有馬者借人乘之今亡矣夫史之  
不闕文與馬之不借人也豈有損益於世也哉然且識之以為  
世之君子長者日以遠矣後生不復見其流風遺俗是以日趨  
於智巧便佞而莫之止是二者雖不足以損益而君子長者之  
澤在焉則孔子識之而況其足以損益於世者乎昔吾先君適  
京師與卿士大夫遊歸以語軾曰自今以往文章其日工而道  
將散矣士慕遠而忽近貴華而賤實吾已見其兆矣以魯人晁  
繹先生之詩文十餘篇示軾曰小子識之後數十年天下無復

爲斯文者也先生之詩文皆有爲而作精悍確苦言必中當世之過鑿鑿乎如五穀必可以療飢斷斷乎如藥石必可以伐病其遊談以爲高投詞以爲觀美者先生無一言焉其後二十餘年先君旣沒而其言存士之爲文者莫不超然出於形器之表微言高論旣已鄙陋漢唐而其反復論難正言不諱如先生之文者世莫之貴矣軾是以悲於孔子之言而懷先君之遺訓益求先生之文而得之於其子復行錄而藏之先生諱太初字醇之姓顏氏先師充公之四十七世孫云

徐州鹿鳴燕賦詩序

司前

余聞之德行興賢太高而不可考射御選士已卑而不足行永惟三代以來莫如吾宋之盛始於鄉黨舉率用羣芳之一經終於廷策庶幾臯董之三道眷此房心之野實惟孝秀之淵元豐元年三郡之士皆舉於徐九月辛丑晦會于黃樓脩舊事也庭實旅百貢先前列之龜工歌拜三義取食野之鹿是日也天高氣

清水落石出仰觀四山之晻曖俯聽二洪之怒號者爲顧之有  
足樂者於是講廢禮放鄭聲部刺史勸駕鄉先生在也群賢畢  
集逸民來會以謂古者於旅也語而君子會友以文爰賦筆以  
以侑樽俎載色載笑有同於泮水一觴一詠無愧於山陰真禮  
義之遺風而太平之盛節也大夫庶士不鄙謂余僞爲斯文以  
舉是禮余於嘉祐之末以進士入官偶儷之文疇昔所上揚雄  
雖悔於少作鍾儀敢廢於南音貽諸故人必不我誚也

王定國詩集序

東坡先生

太史公論詩以爲國風好色而不淫小雅怨誹而不亂以余觀  
之是特識變風變雅耳烏覩詩之正乎昔先王之澤衰然後變  
風發乎情雖衰而未竭是以猶止於禮義以爲賢於無所止者  
而正若夫發於性止於忠孝者其詩豈可同日而語哉古今詩  
人衆矣而杜子美爲首豈非以其流落飢寒終身不用而一節  
未嘗忘君也歟今定國以余故得罪貶海上三年一子死貶所

一子死子家定國亦病幾死余意其怨我甚不敢以書相聞而定國歸至江西以其嶺外所作詩數百首寄余皆清平豐勸諷然有治世之音其言與志得道行者無異此憂憤歎之作蓋亦有之矣特恐死嶺外而天子之恩不及報以忝其父祖耳孔子曰不怨天不尤人定國且不我怨而肯怨天乎余然後廢卷而歎自恨期人之淺也又念昔者定國過余於彭城留十日往反作詩幾百餘篇余苦其多畏其敏而服其工也一日定國與顏復長道游泗水登相山吹笛飲酒乘月而歸余亦置酒黃樓上以待之曰李太白死世無此樂三百年矣今余老不復作詩又以病止酒閉門不出門外數步即大江經月不至江上眊眊焉真一老農夫也而定國詩益工飲酒不衰所至窮山水之勝不以厄窮衰老改其度今而後余之所畏能於定國者不獨其詩也

新刊 國朝二百家名賢之集卷第一百六十一

序

詩集序二

子瞻和陶淵明詩集序

賴瀛先生

東坡先生謫居僦耳實家羅浮之下獨與幼子過負檐渡海葺茅竹而居之日臨菰羊而華屋玉食之念不存於胃中平生無所嗜好以圖史為園囿文章為鼓吹至此亦皆罷去獨喜為詩精深華妙不見老人衰憊之氣是時散亦迂海康書來告曰古之詩人有擬古之作矣未有追和古人者也追和古人則始於東坡吾於詩人無所甚好獨好淵明之詩淵明作詩不多然其詩質而實綺靡而實腴自曹劉鮑謝李杜諸人皆莫及也吾前倣和其詩凡百數十篇至其得意自謂不甚愧淵明今將集而并錄之以遺後之君子子為我志之然吾於淵明豈獨好其詩也哉如其為人實有感焉淵明臨終疏告儼等吾少而窮苦母

以家弊東西遊走性剛才拙與物多忤自量爲己必貽俗患  
僥辭世使汝等幼而飢寒淵明此語蓋寔錄也吾今真有此病  
而不早自知半主出仕以犯世患此所以深服淵明欲以晚節  
師範其方一也嗟夫淵明不肯爲五斗米一束帶見鄉里小人  
而子瞻出仕三十餘年爲獄吏所折困終不能改以陷於大難  
乃欲以桑榆之末景自託於淵明其誰肯信之雖然子瞻之仕  
其出入進退猶可考也後之君子其必有以處之矣孔子曰述  
而不作信而好古竊比於我老鼓孟子曰曾子子思同道區區  
之迹蓋未足以論士也轍少而無師子瞻既冠而李成先君命  
轍師焉子瞻常稱轍詩有古人之風自以爲不若也然自其斥  
居東坡其平日進沛然如川之方至其詩比杜子美李太白爲  
有餘遂與淵明比轍雖馳驟從之而常出其後其和淵明轍繼  
之者亦一二焉紹聖四年十二月十九日海康城南東齋引

予少時聞臨江蕭公孝士能文章其才華有長古之風常訪其遺篇而未得一日潛用示予梅聖俞荅詩卷古詩一篇首云吾先大夫臨終時夢中嘗賦曉寒歌即求所謂曉寒歌讀之其辭奇古其韻險峭其才豪而氣猛其格奮而軀嚴斬絕巉嵒變怪卓偉顧與魏闕之觚稜紫微之繚曲誇高而比壯閭麗爭妍度越流輩而類巧思立言者所能爲之宜其有神物持衛於已生之時收斂於將死之日而夢中之靈爽愈踴蹕憑凌也聖俞之於詩最難難評何乃曰才如李賀夫亦少宜其在世難爲多觀其所與可以知其人矣潛甫屢與予酬唱雅愛其詩幽隱詳謹不務爲奇辭險語以取異時人惟欲輸寫胸中之所懷而後已故其軀度重厚而不迫秀麗而不浮聖俞詩云文章公乎不相似君今平易祖襲耶然則聖俞之評詩其知人之究竟又可見矣文人才士其稟氣受質無非淑靈秀慧而凡不同如

物焉其清沍爲水三其美爛爲綉錦其聳而亢之爲  
洪崖峭壁其引而躍之爲驤龍舞鳳其精明如日月其浩  
渺如江河其平如地之無寸畦其淡如水之無五味各因  
其人之所得既有成就自名一家蓋古之詩具在而躋致  
未嘗相似者凡若是而已矣潛甫語子將摹聖俞之詩於  
石願求文以序其後於是與撥拾其大略而書之且以見  
蕭公父子之趣尚爲斯人所知者如此也潛甫名淵官大  
理寺丞

揚州詩集序

淮海先生

揚州集者大夫鮮于公領州事之二年始命教授馬君希孟採  
於諸家之集而次之又搜訪於境內簡編碑版亡缺之餘凡得  
古律詩泊箴賦合二百二篇勒爲三卷號揚州集云按禹貢曰  
淮海惟揚州彭蠡既豬三江既入震澤底定而周禮職方氏亦  
稱東南曰揚州其山鎮曰會稽其澤藪曰具區川曰三江浸曰



五湖則三代以前所謂揚州者此據淮東南距海江河之間蓋其地自漢以來既置刺史州於是稱揚州者往往指其刺史所及而已蓋西漢刺史無常治東漢治歷陽或徙壽春又徙曲阿魏亦治壽春或徙合肥吳治建業五晉後魏後周皆因魏東晉宋齊梁陳因吳惟宋嘗以建業爲主畿而東揚州爲揚州東揚州者會稽也隋以後徙治廣陵由是言之凡稱揚州者東漢指歷陽或壽春或曲阿中原自魏至周指壽春或合肥江左自吳至東陳指建業或會稽隋唐五代乃指廣陵廣陵在二漢時嘗爲吳國江都國廣陵郡宋爲南兖州北齊爲東廣州後周爲吳州唐初亦爲州其爲揚州自隋始也由是言之凡稱吳國江都廣陵南兖東廣吳州州者皆今之揚州也此集之作自蘇文帝詩已下在當時雖亦揚州而實今之廣陵者皆取之其非廣陵而在當時爲揚州者皆不復取至於揚子雲嚴本約略言爲詳則廣陵自在其中固不得而不錄也既成公又屬觀推表廢

興遷徙之迹而得其端使夫覽之者有攷焉元豐四年二月十一日謹序

會稽唱和詩序

淮海先生

給事中集賢殿修撰廣平程公守越之二年南陽趙公自杭以太子少保致仕道越以歸南陽公與廣平公其登進士第也爲同年其守浙東西也爲鄰國又皆喜登臨樂吟賦故其雅好相游從中爲厚而山川覽觀之美醞獻之娛一時寓之於詩舊所唱和多矣集賢林公旣爲之序而道于越也復得二十有二篇東南衣冠爭誦傳之號爲盛事以後見爲耻或曰昔之集詩者必奇探遠取然後得名于時今二公之詩平夷澹厚不事才巧而爲世貴重如此何耶切嘗以爲激者辭溢夸者辭滯事謬則語難理誣則氣索入之情也二公內無所激外無所夸其事該其理富故語與器俱足不待繁於刻畫之功固已過人遠矣鮑昭曰勸康樂詩如初發芙蓉自然可愛蓋如其言也觀斯以

獲觀盛德之事爲幸因手寫二十二篇之詩以遺越人使達諸石又述其所以然者發其端云

樂安蔣公唱和詩序

淮海先生

會稽之爲鎮舊矣豈惟山川形勢之盛實控扼於東南哉其勝遊珍觀相望乎楓柳竹箭之上枕帶乎藻荇芙蓉之濱可以從事雲月優游而忘年者殆亦非七州所及而卽龍山鑑湖尤爲一郡佳處蓋府地之所占城埭樓雉之所憑非若窮崖絕壑游鹿豕而家魚龍不可與民同樂者也前太守貳卿樂安蔣公嘗以山富草木推蘇所採爲令於公府止之湖池沃衍田於其家奪爲表於朝廷復之又廢山西岳祠分湖之別派覆以綿繡爲觴觴曲水以追永和故事於是湖山自然之觀始深蔚空明不復爲人力所敗閔山水閣棹歌之詩至今稱焉熙寧十年廣平程公以給事中集賢殿修撰來領州事攬其遺迹而歎曰此前賢所以貽後來也使余無一日之雅猶當奉以周旋況嘗被其矢

遇平乃法樂安之志手植松千余章於卧龍之上狂枝惡蔓斬  
雉以時秀甲茁芽母得輔取每春秋佳日開地輒具肴饌三民  
共游而樂之復為詩以紀其事元老名儒屬而和者凡六人而  
樂安之從子金部預焉公素以詩名天下其所述作必有深屬  
遠寄不獨事章句而已霍公曰一死一生乃見交情時去安樂  
之治幾三十年而公想像風流眷眷不忘如此然則是詩之作  
也豈特與山水俱傳而不朽哉聞此屬者可以興起矣

襖飲詩序

伊川先生

上已禊飲風流遠矣而蘭亭之會最為後人所稱慕者何哉蓋  
其游多豪逸之才而右軍之書復為好事者所重尔事之頭晦  
未嘗不在人也賴川陳公廩始治洛居則引冰回環為之觴之  
所元豐己未首修禊事公廩好古重道所命皆儒孝之士既樂  
嘉賓形于詠歌有不愧山陰之句諸君屬而和者皆有高致野  
人程某不能賦詩因論公書之異而為之詳曰以好賢方為樂

之心檀義爲疎曠之比道藝當筆札之功誠不愧矣安知後日之視今日不若今人之慕昔人也哉

郭令公和御詩序

胡右丞

景德四年冬十月庚申真宗皇帝臨朝謂宰臣王旦曰郭贊純厚長者在東宮實有功於朕躬今老矣欲賞之近職宜何官且等對曰陛下推恩舊臣不妄輔導之効惟上所欲命者於是公自吏部侍郎兼祕書監充集賢院學士授工部尚書充翰林侍讀學士是月甲戌宴于祕閣御爲七言詩以賜之方是時天下士大夫之有識者莫不以真宗之於老臣舊德待之終始爲有禮而公之純朴質直自結明主爲可榮始公以布衣遇太宗于京師留置藩邸太平興國初授著作佐郎明年遷贊善大夫皇太子侍讀又明年除右補闕又明年拜中書舍人遂參政事以言事忤上意左授祕書監歷荆南潭洲天雄河南軍府事累入爲鹽鐵使通進銀臺司知審官院判吏部流內銓而終不復

大用既而真宗銳意儒學感公耆舊且將復用而公薨矣公之  
始進也五年四遷遂貳政府何其壯耶已而流離賓客二十餘  
年之間自侍讀而後來晚章往往居其上又何憊耶豈大旦  
之出處固亦自有弊哉然公不以父厄塞不用可憐之色舉所  
賜詩而和之其辭忠順感激而不怨本章有子孫千載共褒揚  
之語若公者豈非篤厚知分之君子歟後五十有六年而其孫  
贊善大夫知明州鄞縣事徽之謂奉國節度推官胡宗愈曰願  
賜詩之意刻于石以爲私門法宗愈嘗觀三帝三代之書至君  
臣部前廣歌誦誥丁寧相兩之際未嘗不歎其感遇之深而有  
孫能承嗣以不墜其祖業東西兩漢公卿大夫之後有顯聞於  
世者或傳三數歲而不絕韋氏楊氏其尤也公之感遇可謂深  
矣清簡純厚之德可爲法而在於子孫者豈少哉若余與時固  
在天與人者已不可強而能者也迺若其德則必有能勉與自  
立以稱公千載共褒揚之意焉

坊梁元詩集序

豫章先生

士有抱書雲之器而陸沉林壑之下與麋鹿同群與草木共盡  
獨託於無用之空言以爲千歲不朽之計謂其怨邪則其言仁  
義之澤也謂其不怨邪則又傷已不見其人然則其言不怨之  
怨也夫寒暑相推草木興榮衰焉慶榮而弔衰其鳴皆若有謂  
候虫是也不得其平則聲若雷霆澗水是也寂寞與聲以君商  
考之則動而中律金石終竹是也維金石終竹之聲國風雅頌  
之言似之澗水之聲楚人之言似之至於候虫之聲則未出詩  
人之言似之今天夫詩人之玩於詞以文物爲工終日不休若怨  
世之不知者以待世之知者然而其喜也無所不逢其怨也無  
所不伐能春能秋能申能暖發於心之工彼而好其音造物者  
不能加焉故余無以啻之而寄於候虫焉清江胡宗元自結髮  
迄于白首未嘗廢書其言必所藏未肯下一世之士也前莫輟  
後莫推是以窮於丘壑然以其耆老於翰墨故後生晚出無不

讀書而好文其卒也子弟門人次其詩爲若干卷宗元之子遵  
道嘗與子爲僚故持其詩來求序于篇首觀宗元之詩窮理而  
樂善安土而快時寡怨之言也可以追次其平生見其少長不  
倦忠信之士也至於過變而出奇因難而見巧則又似予所論  
詩人之態也其又託高遠則附于國風其忿世疾邪則附于楚  
辭後之觀宗元詩者亦以是求之故書而歸之胡氏

刻杜子美巴蜀詩序

同前

自予謫居黔州欲爲一奇士而有力者盡刻杜子美東西川及  
夔州詩使大雅之音又湮沒而復盈三巴之耳而目前所見錄  
錄不能辦事以故未嘗發於口丹稜楊素翁望角丹隴轉爲略  
凌雲下郡鄢訪余於戎州聞之欣然請攻堅石摹畫上納以丹  
稜之妻三食新而畢作堂以宇之子因名其堂曰大雅而悉書  
墳之北西州之盛事亦使來世知素翁真秦洛人也

續歲時雜詠序

齊先生



宋氏自宣獻公益大德行文章語士族者必先之家故藏書其  
多與四庫等而宣獻公之子常山公次道能世宣獻公之學好  
書滋不倦博聞彊志爲時顯人與客語盡蠶蠶下上數千載間在  
其齒牙也補之爲兒時諸老先生爲補之道宋氏如此而補之  
生出晚去宣獻公遠重以不及拜常山公私自記欲盡得宋氏  
之書而觀之元豐六年六月遇畢公叔於京師公叔言宋氏藏  
詩曰歲時雜詠者蓋宣獻公所集唐以前詩人之作騁騁具在  
公叔曰夫天地變化其情至微有不可道以辭者四時之間氣  
候物色俯仰輒異使一人言之雖其巧盡莫恐不得與造物者  
爭功於是雜衆言而觀之不亦可乎宋氏故多賢而宣獻之孫  
曰剛叔尤篤志於學不愧其先人又嘗集宋詩人之所爲爲續  
歲時雜詠以成其祖之意蓋若干篇且詩之作患言不能稱物  
者以得之偏也嘗試丹青衆言憑几肆目於方尺之間而四時  
氣候物色登奇案稿所以過乎五言前者每觀每異其致亦足樂

也因以其集爲補之爲卒補之復於公叔曰詩之亡久矣函詩  
七月其記日月星辰風雨霜露草木鳥獸之事盛矣屈原本玉  
爲離騷最重於詩而所以託物引類其感在四時可以陳慨而  
不息想見其意繫剛叔於宋詩所取者此其亦有得於昔人之  
意乎宋有天下百年而詩之作中間尤盛蓋剛叔之所取小大  
咸備今觀其錄一時顯人用是名世其尤宏傑者雖以騷薄天  
地呼吸陰陽而成歲功可也其下者亦因所長而便猶之一氣  
候至生者皆作灼然而華嬰然而鳴以謂天地之巧盡此矣補  
之方求爲太原官聞其俗儉陋無登覽燕語之樂將因公叔盡  
傳剛叔之所藏者以行而忘吾憂也故喜爲剛叔序之

楊純中詩後序

惲先生

兩蜀富山水陵獨不足若造物者弃我不以見貸然斷崖斷崖  
直指堪畫吳怒凌關若搏若壁劃破宮漢間當煙波奇絕幾往  
任有鷗洲荒渚漁舟出沒鷗鳥上下憑欄杖屨野色襟襟淡真如

書師妙手赤筆淡墨相相點綴一段清淨的的在眼界中若人  
之望始不韻者一得目輒不復惡然自有郡以來士大夫宮室  
陽者不知幾許人初燕半辟雋奇以為江山壯觀秋花歸石淙  
蔽池沼憔悴委靡不復獲一面東郭老人錦囊香壇燕復姓字  
遂使層巒寒源日益減價曾不直鉅鈔四百錢夢乎陵之江山  
草樹不獲為詩人筆硯中物者復不知幾許年也速熙寧中  
陵楊侯作尉仁壽侯閑中第一流也遠韻軒軒技俗數千丈又  
時吐清篇絕習以為江山主人是其鐵硯間寸許地固足以碎  
磕風雲藻繪星斗吐奇耀怪千類萬貌則數為春山紫為秋壽  
散為草木華實正自肺腑中流出惟是奇句險語若羊腸九折  
若太湖百頃若佳花美木楚楚可愛則斯人之游是羊信足以  
脫塵慮而長幽興然則自熙寧來陵之江山著眼可愛者正楊  
侯之詩有以助之也昔張燕公以文章雄開元間建其守岳陽  
而詩益清婉人謂得江山助夫岳陽天下奇處也陵固北面然

而得楊侯之詩而江山勝槩盡露底裏雅濃蕤秀相與獻巧在  
往落樽俎間陵人取之如書懷袖嗟乎是詩中不凡地果足以  
効天地而後造化乎故愚以謂若侯之詩助江山者也非得江  
山助也然則着古人不到處手足以助造化不到處是愚於楊  
侯之詩見之因請鑱諸名山且以詔後之君子

梅塢題詠序

于湖先生

尹儒文往時游廬山名所居曰梅塢蓋一丘一壑自在孺文肯  
中觸於外者感於內信乎其有樂於此也孺文遇異人得丹竈  
術鑪病起死採囊一笑客建康市久之邂逅故人恐其遂忘歸  
也為此圖殆騷人賦招隱之意然聖賢之學不但為己孺文窮  
困悼無以施諸人一寓之樂真有道者所為黨又欲投圖尋故  
巢翩然而往其可乎哉紹興壬午中春張安國書早建康驛舍

李晉詩詩叙

方丹先生

君子之所恃以為學者聖天至剛之氣氣之所蘊不躁不競不

歎不慙寬然一褐選懷如無能雖三尺童子得以狎而奪之至  
舉其所不得施於世發於語言文章者如雷厲山壓此何物使  
之曰此氣也學而知之其積習憂患非驟馳於一朝一夕間也  
至若少而銳老而衰初而狂終而怯如春華秋落榮枯虛實之  
不同得失滑其中哀樂休其外此氣之所謂客者強梁好鬪者  
足以搏而勝之非君子之所養也吾兄晉壽蓋豪於氣者也其  
發爲語言文章充然肆毅然立沛然不可禦其所爲詩特其一  
耳非世之所謂窮人之詩也孟郊盡全終身盡力於詩其才木  
足當世之取捨故其憤懣鬱屈輸寫於詩者至窮之實言晉壽  
則有不窮者迫之以事而不亂情之以威而不奪所謂剛之氣  
浩然盤結宵衣蓋學道君子也晉壽抱負所學困於場屋老得  
一官爲諸侯重客而經濟功名之念慷慨詎暇未嘗一日忘之  
石再被召官朝著不歲許罷逐往來道真年晉壽初不作世俗  
高下出其所爲詩卷相与把酒爲叙族屬訪學問累日不倦故

叙其所得於晉壽之詩者於詩卷首而還其卷晉壽名喬年時為司空屬官

吳元獻公紫微集序

金華先生

夫詩至唐律無遺功矣而謂該極雅麗包蘊宏微由盡萬態之變精藻群言之要昔楊文公論獨尊王溪生焉自公與楊劉唱和集出學者爭効之號西崑體李杜之作幾廢而不行雖歐陽文忠公嘗有是訖至公賦新輝云風來玉宇鳥先覺露下金莖鶴未知亦莫敢少疑也近世則皆慕黃而以李杜為初祖其攻玉溪雅趣不力然元稹評太白放浪縱恣擢去拘束可以差肩子美若乃鋪陳敘始排比聲韻辭氣豪邁而風清調深屬對律切而脫弄凡近尚弗歷其藩籬況於下太白而曾不研練覃思挾隨窈眇事務攬去拘束翻以急心易之弛而不嚴是豈文志之所望于後之學者耶文忠固愛之又嘗曰或惠大年多用故事語僻而難曉遂不知自是學者之西鳴呼訢使効西真而能

骨格具有纖穠兼備李杜果何遠哉其誤持江西之靈節僕於  
顧帥薛公直老一日直老曰須幸見元憲公紫微集蓋寓之以  
遺善學柳下惠者其既鑠諸友因妄論之如此

陳無三詩集序

金華先生

無已陳公學文於曾南豐學詩於黃豫章南豐以四京爲宗而  
豫章以少陵爲訣此千載作者之極功也然文以氣爲主要擬  
古人機杼而自爲邊幅詩以意爲勝能得古人句法則方爲受  
用某不佞願表其大凡而出之少陵官賦薛少保鶴曰畫色又  
欲落蒼嶽猶出塵公賦文與可枯木曰墨色落欲盡嚴顏猶不  
移少陵賦月曰只益丹心苦能添白髮明公曰不應明白髮似  
欲勸人歸至於少陵曰友畏消息真守心亦何有公曰時要平  
安信反愁清息真又曰積年仍遠別多難不安居公曰晚歲何  
多難經年始一醉又曰惡澁寧變色高卧負微軫公曰臨深負  
濡枕又曰把文驚小陸公曰把文甘老倒又曰沈麴得同行公

曰名成法範行又曰孤城隱霧深公台寒城著霧深又曰魑魅  
喜人過公曰魑魅須游子又曰山谷進風涼公曰溪山進晚風  
又曰此生已媿頑人扶公曰身已要人扶由是觀之公之淵源  
遠矣蓋西京文之正宗而少陵詩之真訣國朝得其傳者自歐  
陽文忠始一再傳而至蘇氏以及南豐曾文公自公之後無足論  
者世之士苟有志於絕學微公而誰與歸子紹興十年六月八  
日眉山程某伯文父序

新刊 國朝二百家名賢文粹卷第一百六十一